A dinosaur.

One passes so quickly from thrusting young buck to aged shambler.

When they saw me gaun aboot Folk rubbed their een an blinked, Because they thought without a doot That ma kind was extinct.

A dinosaur, a dinosaur, Is what they see in me. But never mind, I'm nane the waur, An a dinosaur I'll be.

When talk o modern things begins The young folk make it clear I Must shairly hae had ma origins In the Carboniferous Era.

A dinosaur ... etc.

Tae go wi the flow I've never tried, Nor youngsters tried tae rival, An folk noo hae me classified As a dinosaur survival.

A dinosaur ... etc.

Though they may mock wi cruel glee Ma baldy heid an specs, I'm flattered they should class me wi Tyrranosaurus Rex.

A dinosaur ... etc.

O cyberspace an aw that shite, An the workins o I.T., I ken as much as a trilobite At the bottom o the sea.

A dinosaur ... etc.

When folk tae "Strictly"'s charms succumb, Or blether aboot "Bakeoff"
I feel affinity tae some
Pterodactyl poised for takeoff.
A dinosaur ... etc.

The girl glued tae her mobile phone I caw a silly bizzam,
An that makes me, I'll gledly own,
A complete anachronism.
A dinosaur ... etc.

Folk are condemned tae life's rat-race;
Tae struggle, strive, an jostle.
An since I cannae stand the pace
I'd raither bide a fossil!
A dinosaur ... etc.

An when at last I've run ma race,
And in the grave I lie,
These words upon ma tomb they'll place,
"Evolution passed him by".
A dinosaur ... etc.